



LABORATEGIAK ETA TAILERRAK ERABILTZEKO ARAUDIA

1. Araudi honen helburua da arau eta xedapenak ezartzea **Arte Ederren Fakultateak dituen tailerren funtzionamendu egokirako** eta bertako instalazioen, ekipamenduaren eta altzarien erabilera egokirako.
2. Tailerren helburu nagusia da prestakuntza-prozesuaren tresna bat izatea, eta, hortaz, **bakarrrik erabiliko dira xede akademikoetarako, ikerketa, proiektuen garapenerako eta ikasleen praktiketarako.**
3. Unibertsitateak haien erabilera eskatzen dutenen esku jartzen dituen **instalazio hauek zaintzeko eta ondo erabiltzeko konpromisoa** unibertsitate-komunitatearen kide guzti-guztion eginkizuna da. Tailerreko praktiketan dabilzaten *ikasle* guztiek errespetatu behar dituzte Araudi honetan ezarritako arauak.
4. **Arriskutsuak izan daitezkeen praktikak edo lanak irakasleen gainbegiratupean egin beharko dira**, eta kasu batzuetan, *tailerretako teknikariena* ere.
5. **Jokabide egokiz** jardun beharko da. *Erabiltzaileentzat* guztiz debekatuta dago tailerretan honako hau egitea: erretzea, drogak hartzea, elikagaiak eta edariak jatea (ura izan ezik), ordena nahasten duten jarduerak egitea, eta ekipoa erabiltzea programatutakoa ez den edozein xedetarako.
6. Laborategien barruan honako **segurtasun-arau** hauek bete beharko dira:
 - Praka luzeak erabili beharko dira. Suaren kontrako buzua edo bata erabiltzea gomendatzen da.
 - Ile luzea batuta egon behar du eta eraztunak, eskumuturrekoak, lepokoak, zapiak...erabiltzea ekiditu behar da.
 - Lentillak erabiltzea debekatuta dago soldadura egitean.
 - FPP2 maskarila, segurtasun- eskularruak, betaurrekoak eta oinetako itxiak erabili behar dira.
 - Plastikoeekin edo produktu kimikoeekin lan egitean, aerosolak eta erretxinak barne, kalean egin behar dira.
 - Derrigorrezkoa da ekipoen erabilerari buruzko prestakuntza egokia izatea. Argibideen eskuliburuaren arabera jardun behar da. Gailu bat erabiltzeko gai ez dena, irakasleari eta laborategiko teknikariei ohartarazi beharko die.

Ordena, garbitasuna eta kontserbazioa

- Ekipoak kontserbazio- egoera onean eta garbi mantendu behar dira.
 - Halaber, osagarrien ordena, garbitasuna eta kontserbazioa ere zaindu behar dira; leku bat izatea gauza bakoitzerako eta gauza bakoitza bere lekuan uztea. Erabiltzen ez den materiala biltegitara bueltatu eta gainontzeko materiala txatarrako hontzian utzi behar da.
 - Pasabideak, lan-eremuak eta ekipoen ingurumariak garbi eta oztoporik gabe egon behar dira.
 - Erabilitako produktu kimikoak eta haien ontziak modu egokian biltegitatu eta etiketatu behar dira, batzen diren arte, produktuaren fitxa teknikoa kontuan hartuta.
7. Laborategi eta tailerreko aparatuak, ekipoa eta materialak horien barruan erabili beharko dira; **ez dago baimenduta hortik ateratzea**, arloko *irakaslearen* baimena izan gabe.
 8. *Ikasleak* aurretik programatutakoaren arabera sartuko dira tailerretara, **haien erabilerarako jarritako ordutegietan**, ikasgaien klase praktikoen arabera eta horien *irakasleen* gainbegiratupean. **Ezin dira, ordutegiz kanpo, praktikak egin irakaslearen baimenik gabe.** Inolaz ere, ezin izango da ikaslea bakarrik lanean jardun, gutxienez bi pertsona egon behar dira.
 9. Praktika hasi aurretik, *ikasleek* **aztertu beharko dute zer baldintzatan jasotzen ari diren instalazioak eta tailerreko aparatuak** (jaso zituzten bezala uzteko, baldintza berdinetan), eta kalteren bat egonez gero edo gertatuz gero horren berri eman beharko diote berehala arloko *irakasle* arduradunari.
 10. Araudi honetan **aurreikusita ez dauden kasuak** *Fakultateko Zuzendaritzak* aztertu eta bideratuko ditu, *tailerretako teknikariekin* eta dagokion arloko *irakasle baimenduarekin* batera.